

## Santiago / Hakobo 1:12 [AMP] ta bisa:

Bendishoná, felis, faboresé, floresé spiritual-mente ta un hende ku ta **perseverá** den prueba i tentashon; pasobra unabes ku el a pasa e prueba, e lo risibí e korona di bida, ku **Señor** a primintí na esnan ku ta **stima E**.

**Pasenshi**, mi ruman a bisa mi. **Pasenshi**, mi amigu a bisa mi.

Mi ruman a bisa mi, ami mester **baha for di e trapi bin abou**.

Mi amigu a bisa mi, abo no por keda para ariba i grita nan bisa nan bin ariba, **ta great aki-riba**, pero **baha bin abou**.

Mi amigu a bisa mi, tin biaha ora ami **baha for di e trapi**, ainda mi mester **baha mas, bai mas abou** pa ami por yega serka nan.

Mi ruman, mi amigu a bisa mi, ora ami ta huntu ku nan mi por tene nan man i **bai bek ariba ku nan**.

**Esei ta nifiká ami mester tin hopi pasenshi!**

**Pasenshi** ta algu ku ami mester a **siña**. Mi a tuma **tempu** i ami ta riba **kaminda**, pero mi ta **leu** for di yega kaminda **Dios Tata** kièr pa ami ta, pero ami mester **konfia** den **Dios Tata** manera **Abraham, Jose** i **Moisés** mester a **konfia** i tabata ta tin **pasenshi**.

**Abraham** no a mira **visibel**-mente e **Tera primintí**, pero **spiritual**-mente si el a mira e **Tera primintí** dor di **Dios Tata**.

**Jose** no a mira **visibel**-mente e **Tera primintí**, pero **spiritual**-mente si el a mira e **Tera primintí** dor di **Dios Tata**.

**Moisés** no a mira **visibel**-mente e **Tera primintí**, pero **spiritual**-mente si el a mira e **Tera primintí** dor di **Dios Tata**.

**Esei ta nifiká ami mester tin hopi pasenshi!**

Kiko ta e rais, intenshon di e palabra **Pasenshi**? **Pasenshi** na Hebreo ta nifiká; **konstansia, madures**, un hòmbler ken **no ta desviá** for di su **intenshon** deliberadamente i su **lealtat** ta na su **fe** i **piedat**, asta den **gran prueba** i **sufrimentu**, un pasenshi duradero, **persistí, no retrasá òf hui** ma **perseverá** bou prueba i **tratamentu malu**, ku balor i **kalmu** den bo **fe** den **Mesias**. **Pasenshi** ta loke ami mester tin pa hasi e **bon** i **aseptabel** i **perfekto boluntat** di **Dios Tata**.

**Pasenshi** ta loke ami mes **kièr-sa** ku mi tin, pero e **pasenshi** di ami no ta e **pasenshi** ku **Dios Tata** ta **buska** i **spera** di ami.

**Pasenshi visibel** no ta meskos ku **pasenshi spiritual**.

**Esei ta nifiká ami mester tin hopi pasenshi!**

**Pasenshi** pa loke **Dios Tata** a kuminsá for di aña 2000 ku ami, **pasenshi visibel** i **spiritual** pa algu **Nobo!**.

**Nunka lubidá ku, den tur bo pasenshi, Dios Tata Su Amor pa abo ta na promé lugá!!!**

20 Mei 2016

Sea Bendishoná den e Amor di Yeshua Mesias

Rev. Remsly L Riley